

სა.კოდი: 190020020.35121.016456
გამოქვეყნების თარიღი: 11.05.2022



ვანის მუნიციპალიტეტის საკრებულოს

დადგენილება N13

2022 წლის 11 მაისი



ვანის მუნიციპალიტეტის საკრებულოს 2022 წლის 9 თებერვლის №5 დადგენილებაში „ვანის მუნიციპალიტეტში მცხოვრები ბავშვის უფლებების დაცვისა და მხარდაჭერის პროგრამა“ ცვლილებების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის 1-ლი და მე-2 ნაწილების და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ვანის მუნიციპალიტეტის საკრებულო ადგენს:

მუხლი 1

ვანის მუნიციპალიტეტის საკრებულოს 2022 წლის 9 თებერვლის №5 დადგენილებაში „ვანის მუნიციპალიტეტში მცხოვრები ბავშვის უფლებების დაცვისა და მხარდაჭერის პროგრამა“ (www.matsne.gov.ge, 10.02.2022 წელი, სარეგისტრაციო კოდი: 190020020.35.121.016448) შეტანილ იქნას შემდეგი ცვლილებები:

1. დადგენილების სათაური ჩამოყალიბდეს შემდეგი რედაქციით:

„ვანის მუნიციპალიტეტში მცხოვრები ბავშვის უფლებების დაცვისა და მხარდაჭერის პროგრამის დამტკიცების შესახებ“.

2. დადგენილების პირველი მუხლით დამტკიცებული „ვანის მუნიციპალიტეტში მცხოვრები ბავშვის უფლებების დაცვისა და მხარდაჭერის პროგრამის“ (დანართი N1) მე-4 მუხლი ჩამოყალიბდეს შემდეგი რედაქციით:

„მუხლი 4. პროგრამით მოსარგებლები და დახმარების ოდენობა

1. პროგრამით ისარგებლებენ:

- ა) კრიზისულ მდგომარეობაში მყოფი ბავშვიანი ოჯახები;
- ბ) კანონთან კონფლიქტში მყოფი არასრულწლოვნები.

2. დახმარების ოდენობა განისაზღვრება:

ა) კრიზისულ მდგომარეობაში მყოფი ბავშვიანი ოჯახებისთვის: ერთ ბავშვიან ოჯახზე არაუმეტეს 500 (ხუთასი) ლარით, ორბავშვიან ოჯახზე არაუმეტეს 900 (ცხრასი) ლარით, სამბავშვიან ოჯახზე არაუმეტეს 1200 (ათასორასი) ლარით, ოთხბავშვიან ოჯახზე არაუმეტეს 1400 (ათასოთხასი) ლარით, ხუთ და მეტბავშვიან ოჯახებზე არაუმეტეს 1500 (ათასხუთასი) ლარით. დახმარება შეიძლება გაიცეს როგორც ერთჯერადად, ასევე ნაწილ-ნაწილ;

ბ) კანონთან კონფლიქტში მყოფი არასრულწლოვნების დასაქმების შემთხვევაში, შესრულებული საქმიანობა ანაზღაურდება ბენეფიტის სახით ყოველთვიურად 200 (ორასი) ლარის ოდენობით. დასაქმების ვადა განისაზღვრება არაუმეტეს ოთხი თვით. სამუშაო გრაფიკი ყოველ ბენეფიციარზე შემუშავდება ინდივიდუალურად.

3. დახმარების მიღების აუცილებელი პირობაა დახმარების მიმღები ოჯახი ბოლო ექვსი თვის განმავლობაში ფაქტობრივად ცხოვრობდეს ვანის მუნიციპალიტეტის ტერიტორიაზე, რომელიც ცნობის გაცემით უნდა დაადასტუროს მერის წარმომადგენელმა შესაბამის ადმინისტრაციულ ერთეულში. “

მუხლი 2

დადგენილება ამოქმედდეს გამოქვეყნებისთანავე და მისი მოქმედების ვადა განისაზღვროს 2022 წლის 31 დეკემბრის ჩათვლით.

ვანის მუნიციპალიტეტის
საკრებულოს თემჯდომარე
ალექსანდრე ლილუაშვილი

